

Limitacións da oferta de bebidas alcohólicas aos menores de idade

Artigo 12º.-Limitacións ao consumo, venda e subministración.

1. Queda expresamente prohibido o consumo de bebidas alcohólicas por menores de idade.
2. Queda expresamente prohibida a venda e subministración de bebidas alcohólicas a menores de idade.
4. Queda expresamente prohibida a venda e subministración a menores de idade de calquera produto que imite os envases de bebidas alcohólicas.

Artigo 14º.-Información sobre as limitacións.

1. En todos os establecementos en que se vendan ou subministren, de calquera modo, bebidas alcohólicas, informarase das prohibicións especificadas nos números 1 e 2 do artigo 12º. A devandita información realizarase mediante anuncios ou carteis de carácter permanente, fixados de xeito visible, en galego e castelán. As características destas sinalizacións serán fixadas regulamentariamente.
2. Os responsables de calquera establecemento dos recollidos no número anterior adoptarán as medidas necesarias de control para evitar a venda de bebidas alcohólicas a menores de idade, que deberán coñecer todos os traballadores, preferentemente por escrito.

Artigo 15º.-Limitacións da publicidade, promoción e patrocinio de bebidas alcohólicas.

1. Queda prohibida calquera campaña, sexa como actividade publicitaria ou non, dirixida a menores de idade e a que induza, directa ou indirectamente, ao consumo de bebidas alcohólicas por estes.
10. Non se poderá realizar promoción de bebidas alcohólicas dirixidas especificamente a menores de idade.
12. Queda prohibido calquera tipo de promoción que poida inducir ao consumo abusivo de bebidas alcohólicas, especialmente as que poidan inducir a el por rebaixa dos seus prezos no interior dos establecementos onde estea autorizada a súa venda para o consumo no propio local.

Réxime sancionador

Artigo 22º.-Infraccións leves.

2. A venda e subministración a menores de idade de calquera produto que imite os envases de bebidas alcohólicas, sempre e cando se produza por primeira vez.
3. O incumprimento das estipulacións de información sobre as limitacións recollidas no artigo 14º, sempre e cando se produza por primeira vez.

Artigo 23º.-Infraccións graves.

1. O incumprimento das limitacións ao consumo, venda e subministración recollidas no artigo 12º desta lei.
3. O incumprimento das prohibicións e limitacións contidas no artigo 15º desta lei, referente á limitación da publicidade, promoción e patrocinio de bebidas alcohólicas.
10. A reincidencia na comisión de infraccións leves nos últimos tres meses.

Artigo 24º.-Infraccións moi graves.

1. O incumprimento das medidas preventivas ou definitivas que adopten as autoridades sanitarias competentes cando se produzan de xeito reiterado ou cando concorran dano grave para a saúde das persoas.
4. A reincidencia na comisión de faltas graves nos últimos cinco anos.
7. O incumprimento reiterado dos requirimentos específicos que formulan as autoridades sanitarias.